


Kosakoni watatgipa Sa-greni Nama Kattarang



Amazing Facts
Poraiani

16



Sa-grerangara

chong-mot ong-a! Basakobarangde cherubim ba seraphim ineba okama, ia bilakgipa dangdike on-gipa gisikrangko Sastroni itihass jolgimikon nikna man-a. Bang-bata changon uamang Isolni manderangko chelchakenga aro dilenga

ine nikna man-a aro basakobarangde uamang namgijarangko sasti ona. Indiba uamangni mingsa nangchongmotgipa kamara katchinike agananiko parape-ani aro talatanian ong-a.

Isol maikoba dingtangmancha An-tangni sa-grerangchi aganaha ine na-a u-iama, jedakode an-chingni jakchakgijagipa a-gilsakni manderangna agantaltale on-na man-gen? Parape-a 14 o, Ua aiao inmagipa kenbeani kattarangko ia bon-kamgipa salrangna parape-aha, je nama kattarangko bilangenggipa sa-gre sakgittamni mesokani chino see donaha. Ia pilak chu-sokjanakingkingde Jisu re-bakujawa! Ia Poraianiko Dakdilani nang-na chu-gimik nikna, aro bangki Poraianiko Dakdilani lesson chetrang bebera-na amsokgijagipa skie ra-anirangko chu-gimik mesoke on-gen. Isolni nang-na dingtangmancha dake nama kattarangko talate on-nasiani tarie dongbo.

1

Maini gimin an-chingara Parape-a ki-tapko poraienga? Iako mohor su-e donjahama?

Aganchakani: Parape-a ki-tapko poraianio mingdok nangchongmotgipa a-selrang donga:

- A. **Ua mamungsaloba mohor su-jaha (Parape-a 22:10).** Ru-uta bilsa an-ajolna Kristo aro Satanni gisepo dakgrikaniko, aro bon-kamani salo diabolni chalakki dakanirangko Parape-a ki-tapo oparake on-aha. Parape-a ki-tapara mohor su-gimin ong-a ine manderang bebera-gen ine ua ka-dongenga indiba je manderangan Satanni tol-napanirangko a-bachenganionin u-isamsoa mamungsaloba altuaede manderangko ua tol-napna man-jawa.
- B. **"Parape-a" ni ortoan "oprake on-ani" ba donugija parake on-ani ine miksongan ong-a.** -uni bikpil kattade mohor su-ako chipe donanian ong-a. lan pangnan donugija oprake donani on-genga.
- C. **Parape-a ki-tapara dingtangmanchagipa Jisuni ki-tap ong-a.** lan "Jisu Kristoko parape-anichi" a-bachengaha (Parape-a 1:1). Parape-a 1:13-16 o Uni gimin kattani noksakoba mesoke talataniko dakaha. Darang gipin Sastroni ki-tap Jisuko aro Uni bon-kamgipa salrangko skianirangko aro An-tangni kam aro Uni manderangna miksonganiko Parape-a ki-tap gitade parape-jaha.
- D. **Parape-a ki-tapko mongsonggipa seanide an-chingni salo donggipa manderangko Kristoni re-bana skang tarisoanian ong-a (Parape-a 1:1-3; 3:11; 22:6, 7, 12, 20).**
- E. **Parape-a ki-tapko poraigiparangna** aro uni ku-pattianiko knachakgiparangna dingtangmanchagipa pattianiko on-na ku-rachaka (Parape-a 1:3; 22:7).
- F. **Parape-a ki-tap Isolni bon-kamgipa somoini manderangni gimin (Uni mondoli)** Jagokman-atpile rongtale talataniko daka. Jensalo na-a Parape-a ki-tapo bon-kamgipa salni obostarangni ong-enganiko tale mesokaniko nikon, ian Sastroko janggiona re-bapila gita ong-ata. lan maiko Isolni mondoliara bon-kamani salrangko chong-mot ong-e skiprakna nangachim ukoba agananiko daka (Parape-a 14:6-14). Ia Poaraianiko Dakdilani ua skiprakani gimin nigopataniko daka jedakode na-a uko knaon uni gimin u-ina man-gen.

U-iatani: A-bachengna skang ka-sapae **Parape-a 14:6-14** ona poraichengbo.

2

Isol An-tangni mondoliko nama kattako pilak jatrangna ra-angchina ge-etaha (Mark 16:15). Maikai Ua ia rongtalgipa kamko Parape-a kitapo mesokaha?

"Aro anga salgini jatchio bilanggipa sakgipin sa-greko nikaha, aro mandena aganprakna jringjrotna nama kattako man-e ... Aro gipin, gnigipa sa-gre, ja-rike inaha ... Aro gipin, gittamgipa sa-gre, ja-rike gam-bee inaha, ... (Parape-a 14:6, 8, 9).

Aganchakani: "Sagre" ingipa kattara "koborko ra-timgipa" ine miksongani ong-a, uni gimin ian kragipa katta ong-aha maina Isol An-tangni nama kattani minggittam chanchianirangko bon-kamani salrangko skiprakna sakgittam sa-grerangko jakkale mesokaha. Kosakni bil baksa nama kattako ra-anga ine an-chingko gisik ra-atna Isol sa-grerangko mesokani chinrang dake jakkala.

3

Maia minggni nangchongmotgipa chanchianirangko Parape-a 14:6 o bon-kamani salrangna Isolni nama kattani gimin parape-aha?

"Aro anga salgini jatchio bilanggipa sakgipin sa-greko nikaha, ua a-ao donggiparangna, jringjrotni nama katta– pilak jat, ma-chong, aro manderangna" (Parape-a 14:6).

Aganchakani: Minggni nangchongmotgipa chanchina naganirangara: (1). uan "jringjrotna nama katta" aro (2). uko a-gilsakni pilak mandena skiprakna nanga. Sa-gre sakgittamni nama nama kattani gimin rongtalbee talataniko daka jedakode manderang bebera-achi aro Jisu Kristokosan ra-chake jokataniko man-gen (**Watatarang 4:10-12; Johan 14:6**). Janggi jokatani mamung gipin chol dongjani gimin, ian namgijani bil jean janggi jokaniko man-na gipin chol rama donga ine a-kange ra-a.

Satanni Togiani

Satanni togianirangoni, bilakgipa minggni togianirangkoba man-gopa:

(1) Kamrangchi janggi jokani, aro (2) papo janggi jokatani. Ia minggni togianirangko oprake on-aha aro sa-gre sagittamni nama kattarango parepe-aha. Bang-an, iako ma-sigija, minggni tol-e skianirangoni mingsako bebera-aha jeon an-tangtangni janggi jokaniko rikna jotton ka-enga, ian ong-na amgijani beberaani ong-a. An-ching indakeba bilake agantalataniko dakna nanga je darangba sa-gre sakgittamni nama kattarangko man-gope skigijade chong-motgipa nama kattako skijaenga.

4

Maia bingbri dingtangmanchagipa chanchianirangko skanggipa sa-greni nama kattao man-gopaha?

"Isolna kenbo, aro una rasongko on-bo; maina uni bichalni
konta sokbaaha. Aro salgiko aro a-ako aro sagalko aro chirangni
chimikrangko dakgipako olakkibo" (**Parape-a 14:7**).



Aganchakani:

- A. Isolna kenbo.** Iani ortode an-ching Isolko mandera-na nanga aro Uko ka-saani, ka-dongani, aro mandera-ani baksa Uko niatna—chong-motan Uni ge-etaniko dakna sikgiparang ong-na. Ian anchingko namgijaoniko rakkigen. "Ka-sara aro bebeci namgija pindapaniko man-a; aro Jihovana kenanichi namgijaoni an-pilani ong-a" (**Toe Skianirang 16:6**). Gisik seng-gipa Solominba agana, "Isolna kenbo, aro Uni ge-etanirangko manibo, maina ian piak mandeni dakna nanggni" (**Aganprangkpa 12:13**).
- B. Isolna rasongko on-bo.** Jensalo an-ching ring-mitelaniko, mitelaniko dakon, aro Uni an-chingna namanina Isolna bamon ia ge-etaniko an-ching chu-sokata. Bon-kamani salrango mongsonggipa pap ka-anirangoni mingsara mitelpilna changgijanian ong-a (**2 Timothy 3:1, 2**).
- C. Uni bichalni konta sokbaaha.** Ian mesokaniko daka je sakantian Isolna agane on-na nanggen, aro ian rongtalbee agangipa katta ong-a je da-on bichal ka-ani ong-engaha. Mitam pe-anirango, "sokbaa" ingipa kattani palo "sokbaaha" ine pe-skara. (Ia bichal ka-ani gimin chu-gimik talataniko Poraianiko Dakdilani 18 aro 19 o dakaha.)
- D. Dakgipako Olakkibo.** Ia ge-etani pilak rokom mite olakkianirangko jegalani ong-a—an-tangko olakkiani—aro a-gilsak maiobanisa ong-bara ine skianirangkoba man-gopa, jean Isolko Ong-atgipa aro Piokgipa ong-a ine jechakaniko daka. (Bang-a ki-tap seanirang aro agananirang an-tangko dal-nikani aro gamchatnikaniko daka, jean an-tangko olakkionia dilangna man-a. Kristianrang an-tangtangni gamchataniko Kristoo man-a, jean an-chingko Isolni depante aro demechikrang ong-ataha.)

Nama kattara a-gilsakko Isol Jihovachi ong-atani aro piokaniko man-gopa. Ong-atgipako olakkianira Uko dongimin salo manianikoba man-gopa jekon Ua Ong-ataniko gisik ra-na dingtangmacha dake Ua salko (Snigipa sal Neng-takani) donaha. **Parape-a 14:7** snigipa sal Neng-takani Salni gimin agananiko daka jean rontalbeen, "salgi, aro a-a, sagal" ingipa kattarangchi talataniko dakaha aro uarangan Neng-takani Salko dal-nikna agangipa kattarang ong-a (**Reongkata 20:11**) aro uarango iano jakkalaha (Poraianiko Dakdilani 7 o Neng-takani Salni gimin bang-bate u-ibatna nibo.) An-chingni pangchakanirangko Isolonikosan man-na ama, jean an-chingko Uni bimang gita a-bachengonin dakaha. Jerangan Isolko Ong-atgipa ine olakkija—uamang jegitaba jekoba olakkibo—mamungdakeba uamangni pangchakani ja-dilrangko man-na amjawa.

*Jerangan Isolko
mandera-a, Una
dangdike on-anio
katchaaniko man-gen.*



5

Maia nangchongmotgipa agananiko gnigipa sa-gre Babylonni gimin aganaha? Parape-a 18 ni sa-gre maiko dakchina Isolni manderango didiataha?

"Aro gipin, gnigipa sa-gre, ja-rike inaha, Ga-akaha, ga-akaha, dal-gipa Babylon" (Parape-a 14:8). "Iarangni ja-mano anga sakgipin sa-gre bil gnanbegipako salgioni ong-onako nikaha ... Aro ua bilake chrike inaha, Ga-akaha, ga-akaha, dal-gipa Babylon ... Aro anga salgioni gipin ku-rang indinako knaaha, Uoni ong-katbabo, O angni manderang" (Parape-a 18:1, 2, 4).

Aganchakani: "Babylon ga-akaha" ine gnigipa sa-gre aganaha, aro salgioni ku-rang pilak Isolni manderango changsanon ong-katbachina aganaha jedakode uamang nisiatanio bak man-pajawa. Babylonara maia uko na-a u-ijaode, na-a altubeen uno donganio bon-egen. Iani gimin chanchiatbo—na-a da-o Babylono ong-na man-a! (Poraiani 20 o Babylonni gimin rongtale mesokaniko on-a.)



**BABYLON
GA-AKAHA**

6

Gitamgipa sa-greni nama katta maini gimin chanchina nangatgipa mikrakataniko dakaha?

"Aro gipin, gitamgipa sa-gre, ja-rike gam-bee inaha, Saoba ua matburungko aro uni bimangko olakkiodo, aro an-tangni mikkingo, ba an-tangni jako uni chinko ra-ode, uaba uni ka-onangani ringchakanio bringgija tarisogimin Isolni ka-oangani draka bitchiko ringgen" (Parape-a 14:9, 10).

Aganchakani: Gitamgipa sa-greni nama katta matburung aro uni bimangko olakkiana aro matburungni chinko uamangni mikkingo ba jako ra-anina mikrakataniko dakaha. Skanggipa sa-greni nama katta chong-motgipa olakkianiko dakchina ge-etaha. Gitamgipa sa-gre tol-gipa olakkianiko dakanina sastiko man-ani gimin aganaha. Ia matburungara sawamancha na-a u-iaa? Aro uni chinara maia? Na-a u-ijaskalde, na-a u-igijan matburungko olakkiano bon-egen. (Poraiani Lesson 20 o matburung aro uni chinni gimin chu-gimik talataniko on-a. Poraiani Lesson 21 o uni bimangni gimin talataniko daka.)



**Matburungni
CHIN**

7

Maia mingbri talatanirango Isol Parape-a 14:12 o An-tangni manderangni gimin on-aha jerangan sa-gre sakgitamni nama kattarangko ra-chakgen aro ja-rikgen?

"lanon rongtalgiparangni, chong-motan Isolni ge-etaniko
aro Jisuko bebera-ako rakkigiparangni, chakchika gnang"
(Parape-a 14:12).



Aganchakani:

- A. **Uamang chakchika, jotking daka, aro chon-kamaona kingking kakket bebe ong-a.** Isolni manderang Uko uamangni chakchikachi, ka-saani kamchi aro uamangni janggi tanganirango rongtalanina kakket bebe ong-anichi parakaha.
- B. **Uamang toromigiparang, ba "rongtalgiparang ong-a,"** maina uamang chu-gimikan Isolchipak onga.
- C. **Uamang Isolni geetanirango rakkia.** Ia bebegipa manderang katchaen Uni on-gipa Ge-eta Niam Mingchikkungna, aro gipin pilak ge-etanirangna mania aro bama. Uamangni skanggipa miksonganiara Uko namnikatna ong-a, jenan uamang ka-saaha (1 Johan 3:22). (Poraiani 6 Ge-eta Mingchikkungni gimin bang-bate u-iataniko on-a.)
- D. **Uamango Jisuni saki donga.** Iako Jisuo "bebera-ani," ineba pena man-gen. Minggnion, Isolni manderang chu-gimikan Jisuko ja-rikna aro chu-gimikan Uo ka-dongna nanga.

8

Sa-gre sakgittamni nama kattarangko pilak manderangna skiani ja-mano maia bakan ta-raken ong-aha?

"Aro anga nikaha, aro nibo aram gipok; ua aramo asonggipa mandeni depante saksa
gitachim, aro uni skoo sonani mukut, aro uni jako matgipa atchli" (Parape-a 14:14).

Aganchakani: Sagre sakgittamni nama kattarangko mande sakantina skiani bak tapan, Jisu aramrango Antangni manderango salgini nokona rimna rebapilgen. Uni rebahaon, Parape-a odhai 20 o janapgipa bilsa 1,000 a-bachengnok. (Poraiani Lesson 12 ia bilsa 1,000 gimin agananiko daka. Poraiani Lesson 8 Jisuni gnigipa re-bapilani gimin chu-gimik talataniko daka.)




2 Pitor 1:12 o, Watatarang “da-ona nanggipa nama katta” ni gimin agana. Maiko ua miksonga?

Aganchakani: Da-ona nanggipa nama kattara jringjrotni nama katta jean dintangmancha somoina ta-raken dakna nangani donga. Mesokatanirang:

- A. Noani Chi dubiani gimin nama katta (Abachenga 6 aro 7; 2 Pitor 2:5).** Noa toromi ong-ani gimin saksa skiprakgipa ong-achim. Ua re-bagnigipa a-gilsakko nasiatgnigipa chi dubiani gimin mikrataniko dakon Isolni ka-saani gimin skiaha. Chi dubiani nama kattaan ua somoina “da-ona nanggipa nama katta” ong-a. Uni babbak dakchina inwataniara “ringona napbo” ine ong-achim. lan namen nangchongmotgipa ong-a jekon skiprakjana gita daitoko ra-jawahachim.
- B. Jonani Ninevehna nama katta (Jona 3:4).** Jonani “nama kattara” Nineveh songjinma sal 40ni ja-mano nasiatniko man-gen ine ong-achim. Jona Jokatgipakoba dedoa, aro songjinma gisik pil-aha. Sal 40ni gimin mikrakataniko watchanganiara kakketgijanisan ong-gnokchim. lan ua somoina nanggipa nama katta ong-achim. lan ua somoina dintangmancha dake kragipa ong-aha.
- C. Johan Napbolatgipani nama katta (Mati 3:1-3; Luk 1:17).** Johanni “nama kattara” Jisu, re-bagnigipa Messaiani gimin ong-achim. Uni kamara Jisuni skanggipa re-baani gimin nama kattako skiprakna aro manderangko tarisona nangani ong-achim. Skanggipa re-baani nama kattako watchangna nanganiara chanchina man-gijanisan ong-genchim.
- D. Sa-gre Sakgittamni nama kattarang (Parape-a 14:6-14).** Isolni “da-asalna nama kattara” sa-gre sakgittamni kattarang donga. Chong-motde, Jisu Kristochi man-gipa janggi jokanian ia nama kattarangni mongsonggipa japang ong-a. Indioba, sa-gre sakgitamni “nama kattara” Jisuni gnigipa re-bapilanina manderangko tarinaba aro Satanni bilakbegipa tol-napanina uamangni mikronrangko ona dakchakani ong-a. Jena kingking manderang ia nama kattarangko ma-sijaskalde, Satan uamangko rim-gittange niasatna man-gen. Jisu an-chingko ia dintangmanchagipa nama kattako u-ie ra-na nanga ine u-ia, uni giminsa ka-sachakanio Ua uamangna on-aha. Uarango watchangna nangjawa. Ka-sapae na-a gipin lessonni Poraianiko dakon gisiko nangbate uarango sandianiko dakna bimchipe bi-bo.

Nangni mitam sandie nikanirang haida nang-ko jagokmanpilatnaba donga. Indiba pilakan chu-ongnikgen. Nang-ni ka-tong aiao inmanpile il-engataka man-gen. Na-a Jisuko nang-na aganenga gita u-igen! Maina, uarangan Uni nama kattarang ong-a.



Noahni dintangmanchagipa
“nama kattara” chi dubinasianian
ong-achim.

10

Gitelni salna skang sako “nama kattako” ra-bagen ine Sastro agana?

“Nibo, Jihovani dal-gipa aro kengnigipa sal re-bana skang, Anga na-simangona Elija katchinikgipako watatgen” (Malaki 4:5).

Aganchakani: Elija katchinikgipa. An-ching minggipin sing-anirangko nikon, uano maiba Elijani gimin u-ie ra-na nangchongmotani donga.

11

Maiko Elijah dakaha jechin Gitel uo gisik nangatako man-aha?

U-iatani: Ka-sapae 1 Rajarang 18:17-40 ko poraibo.

Aganchakani: Elija manderangko an-tangtangni chanchianirangko tik dakchina didiataniko dakaha jenan uamang dangdike on-genchim (pod 21). Israel jat gimikan ong-nasipile miteko olakkitakahachim. Bang-an chong-motgipa Isolko aro Uni ge-etanirangko watgaltokaha. Uano Isolni katchinigipa, Elija, saksan aro 450 Baalni katchinikgiparang dongachim (pod 22). Elija kupattianiko dakaha je dolgnian, ua aro miteko olakkigiparang ganchirangko rikgen aro am-bolrangko kosako gate matchu bolotrangko uarango dongen. Ua uni ja-mano agananiko dakaha je uamang chong-motgipa Isolko Uni ganchio wa-alko kamate An-tangko parakchina aganaha. Songsarekni Isol aganchakaniko dakjaha, indiba Elijani chong-motgipa Isol salgioniko wa-alko watonate Elijani boliko kamtokaha.

Nama Katta Chanchianiko Dakchina Dabiah

Elijani nama katta gisikni gita ning-tue ga-akangani aro a-songni Isolko watgale miteko olakkiani somoio sokbaaha. lan salgioni inditan bil gnanbee sokbaaha je uan “dakronggipa kamrangko” dontongatpilaha aro a-songko gisik nangataniona sokataha. Elija uni jamano manderangko sana dangdike on-gen, Isolko ma Baalko, basee ra-aniko dakchina mol-molaniko dakaha. Ning-tue aro chu-gimik gisiko nangataniko man-e, manderang Isolko manina basee ra-aniko dakaha (pod 39).


SATAN

KRISTO



12

Elijani nama kattako rokomgni dake jakkalani donga. Ian “nama katta” ong-achim jechin Jisuni skanggipa re-baanina manderangko tariani ong-a aro ian “nama katta” jechin Uni gnigipa re-bapilaninaba manderangko tarisoani ong-a. Sako Jisu Elijahni nama kattako Uni skanggipa re-baanina manderangko tarisona Aganpravgipapaniko dakaha ine aganaha?



“Johan Baptize ka-atgipana batgipa ong-katkuja ... Aro na-simang ra-chakna namnikode, ian re-baenggipa Elija” (Mati 11:11, 14).

Aganchakani: Jisu Johanni Aganpravgipapaniko Uni skanggipa re-baanina manderangko tarina skipravgipa “Elija” ba Elijani nama katta ine aganaha. Johanni nama katta, Elijani salo gitan, bebeni kattako rongtalbeen aganaha, aro indake basee ra-aniko dakchina didiaha. Johan Napbolatgipani gimin Sastro indine agana, “Uan Elijani gisik aro bilchi, uni mikkang re-sogen” (Luk 1:17).

Johan Napbolatgipa “Elijani nama kattako” an-tangni salo mesoke on-aha. Jerangan Parape-a 14:6-14 ko skiprakenga uamango da-asalna Elijani nama katta donga.

13

Maikai ia katchike agananiara an-chingni somoinaba jakkalna man-a ine an-ching u-ina mana-mongsongbate Kristoni gnigipa re-bapilna skang?

“Nibo, Jihovani dal-gipa aro kengnigipa sal re-bana skang, anga na-simangona Ellija katchinikgipako watatgen” (Malaki 4:5). “Jihovani dal-gipa aro kebegnigipa sal re-bana skang, sal andalpilgen aro jajong an-chi pil-gen” (Joel 2:31).



Aganchakani: Ka-sapae iakon u-ie ra-bo je Joel 2:31 o janavgipa minggni obostarang “Jihovani dal-gipa aro kebegnigipa salo” re-bagen—skanggipa Elijani nama katta re-bagen, aro gnigipa, aiao inavgipa salgio chinrang ong-gen. Ian an-chingko minggni obostarangko u-ina dakchakgen. Sal andalani May 19, 1780 bilsio ong-aha. Ua apsan walon, jajong an-chi pil-aha. Mati 24:29 minggipin chinko nikna man-aha—askirang ga-akani, jean November 13, 1833 ong-aha. lanoniko, an-ching u-ina man-a je bon-kavgipa somoini Elijani nama kattara 1833 ni sepag jolo ba uni ja-mano a-bachengna nanga—chong-motan Jihovani dal-gipa salni re-bana skang.

Salgio chinrangni Ja-mano Gnigipa Elijani Nama Katta

lan rontalbea je Johanni “Elijani Nama katta” gnigipa “Elijani nama katta” jakkalna man-ja maina Isolni dal-gipa salgio chinrang Johanni uni nama kattako skiprakani, 1,700 bilsirangni ja-manosa nakataha. **Joel 2:31** o Elijani nama katta 1833 bilsio salgio chinrangni nakatani ja-manosa a-bachengna nangaha aro Jisuni gnigipa re-bapilanina manderangko tarina nangaha. **Parape-a 14:6-14** ni nama katta rokom gittam “nama katta” iana tiktak melia. lan 1844 bilsio a-bachengaha aro Jisuni gnigipa re-bapilanina (**pod 14**) a-gilsak gimikni manderangko tarienga jean rokom gittam nama katta a-gilsakni pilak mandeona sokangani ja-mano chu-sokgen. (1844 bilsini somoini gimin Poraiani 18 & 19 o chu-gimik talaniko daka).

Nama Katta Chanchianiko Dakna Dabia

Elija namgijako mikkangchakna mol-molchaaniko dakaha aro sako uamang manigen pilaknan base ra-aniko dakchina aganaha. Apsandake daalo anchingna ongipa Isolni rokom gittam nama kattaba onga. Basee ra-aniko dakna nanggen. Isolni rokom nama katta Satan aro uni miksonganirangko oprake on-aniko daka. lan Isolni ka-saaniko aro Uni nangnikanirangko parape-a. Da-alo Isol manderangko chong-motgipa olakkianiona re-bapilchina okamenga -Isolkosan olakkiani onga. U-ieba sakobasa ba jekobasa olakkianide bamgijani ong-a aro jringjrotna sianio biteko man-gen. Isol Elijani salo (**1 Rajarang 18:37, 39**) aro Johan Napbolatgipani salrango aiao inmanpile manderangni ka-tongrangona sokaha. Manderangni sa-gre sakgittamni nama kattana aganchakaniko dakengon Ua apsandake bon-kamani salrangoba dakgen (**Parape-a 18:1-4**).

14

Maia aiao inmanpilgipa pattianiko Elijani nama kattako (Sa-gre sakgittamni nama katta) skiprakaniara ra-bagen?

“Elija ... ua pagiparangni ka-tongko degiparangna aro degiparangni ka-tongrangko pagiparangna an-pilatgen” (**Malaki 4:5, 6**).

Aganchakani: Isolko mitelbo! Elijani nama katta - ba sa-gre sakgittamni nama katta—nokdangni memborrhanko ka-saanio, sepangchapchap ong-e, katchaanio, salgini nangrimanio damsan ra-bagen. Mairongpilgipa pattiani!

*Elijani Agangipa Isolni katta
Manderangni nokdangna
kusini Kat-chaani aro
ka-sagrikaniko ra-bagen*



15

“Nama Katta” inaniara namgipa kobor ong-a. Parape-a 14 ni nama kattarangara namgipa koborrangko on-ama?

Aganchakani: Oe, Hai anching sagre sakgittamni nama kattarangko nigopate nipiltaaniko dakna:

- A. Sakantian bon-kamani salni nama kattako knana aro ma-sina cholko man-gen. Darangba watchanggalako man-jawa.
- B. Diabolni manderangko ja-guatna aro niasatna bilagipa kamrangko an-chingna parakatgen, jedakode an-ching mamungdakeba ja-gao ke-ataniko man-jawa.
- C. Ia bon-kamani salrango Isolni nama kattako gipatanio salgini bil dongpagen aro re-chapgen.
- D. Isolni manderang chakchikgipa ong-gen. Ua uamangko “rongtalgiparang” ine okamgen.
- E. Isolni manderangko Jisuni saki donggen.
- F. Isolni manderang, ka-sae, Uni ge-etanirangko manigen.
- G. Isol an-chingna inditan ka-saaha je Ua an-chingna dingtangmancha Jisuni ngigipa re-bapilanina an-chngko tarina nama kattako watataha.
- H. Isolni ia bon-kamgipa salrangna on-gipa nama kattara ka-saanio aro ku-cholsan ong-anio nokdangni memborrangko damsan ong-atgen.
- I. Sa-gre sakgittamni mongsonggipa gisiko nangatbataniara Jisu Kristochi sakantinan janggi jakaniko on-aha. Ua An-tangni toromi ong-aniko an-chingni batanggimin janggi tangniko pindapna on-aha aro aiao inmanpile An-tangni toromi ong-aniko onaha jedakode an-ching salantio



ka-sachakanio dal-rorona aro Ugita ong-na man-gen. Unbaksa, an-ching chu-sokgija ong-na man-ja. Ua gride, an-ching chu-sokna man-ja.

Poraidapani

Sa-gre sakgittamni nama kattarangni gimin chanchianirangko Poraianirangko daknasienggipao talataniko daknasienggiparagara iarangan ong-a:

- A. Isolni bichal ka-ani konta sokbaaha!
- B. Babylononi ong-katbabo.
- C. Matburungni chinko ra-nabe.

Na-a mikkangchi ia Poraianirangko bi-an baksa poraion bang-bata namgipa koborrangko parape-gen. na-a mitamrango aiao inmangen aro mitamrango kusi ong-gen, jagokmanpilgen aro mitamrango duk man-gen. Badiaba chanchianirangkode ra-chakna rakdugagen. Indiba Jisu an-ching sakanti sakprakna ia bon-kamgipa salrango dakchakna salgioni nama kattarangko watatahani gimin, knaana, aro mingantikon chu-gimik ma-siana, aro mingantiko chu-gimik ja-rikana bate gamchatbatgipa dongja.

16

Jisuo An-tangni manderangko ia bon-kamgipa a-gilsakni itihaso re-dilna aro dakchakna dingtanmanchagipa minggitam chanchianirangko skie ra-na man-anina na-a mitelaniko dakjawama?

Nang-ni Aganchakani:

Nang-ni Sing-anirangna Aganchakaha

1. Jisuni re-bana skang sa-gre sakgittamni nama kattara pilak mandeonan sokgenma? Da-o dongenggipa billion manderang, ian maikai ong-na man-gen?

Aganchakani: Oe, ian ong-gen maina Isolan ku-rachakaniko dakaha (**Mark 16:15**). Paul an-tangni salo agananiko dakaha “jeko salgini ning-o pilak dakgimino Aganprakgipaha (**Kolosirangna 1:23**). Jona, Isolni ka-sachakanichi, Nineveh songjinma gimikona sal 40ni gisepo sokaha (**Jona 3:4-10**). Sastro agana Isol kamko matchotatgen aro kan-dikatgen (**Romrangna 9:28**). Chananiko dakbo. Ian babbakan ong-gen!

2. Mose aro Elija Jisu baksa bimang dingtangani a-brio mikkang pa-bebeahama (**Mati 17:3**), ma, iara mikjumang nikanisa ong-ama?

Aganchakani: Ia obosta chong-mot ong-a. Greek kattoo “horama,” ko “nikani” ine pod 9 o pe-aha, jeni miksonganian “maiko nikmanaha” ine miksongani ong-a. Mose siaoni chakatataka aro salgichi rimdoako man-aha (**Juda 1:9**), aro Elija sigija manggitting rimdoako man-aha (**2 Rajarang 2:1, 11, 12**). Ia mande sakgni, jerangan a-gilsako dongaha, diabolni bilongbee dakgrikaniko aro saknaaniko man-aha aro Isolni manderangni kosako bobil dake chakataha, aro maiko Jisu chagronggenchim uko u-iaha. Uamang uko ka-dongatna aro gisik ra-atna re-baaha jedakode Uni songnokona jerangan sianiko cha-totgija (Elija gita) rimdoaniko man-genchim aro an-chingni paprangna Uni sichakahani gimin gopramrangoni (Mose gita) janggiona chakatpilgenchim.

3. Jensalo Jisu uan Elija ong-a ine aganon (**Mati 11:10-14**) maini gimin Johan Napbolatgipa uan Elija (**Johan 1:19-21**) ong-ja ine aganskaha?

Aganchakani: **Luk 1:3-17** oni ia sing-anina aganchakani re-bara. Je sa-grean Johanni atchiani gimin u-iataha indine aganaha, “Nang-ni jikgipa Elisabeth nang-na de ba-gen, aro na-a uni bimungko Johan mingna nanggen ... Maina Gitelni nikanio ua dal-gipa ong-gen ... aro dedrangna pagiparangni ka-tongko, aro toromigiparangni chanchirongana manigijagiparangko pil-atna, tarisranggipa manderangko Gitelna tarisona uan Elijani gisik aro bilchi, uni mikkango re-sogen” (**pod 13-17**). Jensalo Jisu Johanko Elija aganon, Ua Elija gita dake uni janggi, gisik, bil aro kamni giminsa aganengachim. Ia bon-kamani salrangna Elijani nama katta apsan bebe ong-a. Ian nama kattani giminsa, mandeni gimin ong-ja. Uni gimin Johan bimangchongchong Elijade ong-ja, indiba ua Elijani nama kattakosa agane on-engachim.

4. Sa-gre sakgittamni nama kattako man-chapgija Jisuni bon-kamgipa somoina chu-gimik bebe ong-aniko da-alo saoba skiprakna man-genma?

Aganchakani: Man-ja. Sa-gre sakgittamni nama kattako man-chapna nanga. Parape-ani ki-tapo, Jisu An-tangan Uni bon-kamgipa somoini nama kattako parape-aha (**Parape-a 1:1**) aro indine aganaha je Uni manderang ki-tapo jekon parape-aha ugitan ja-rikna nanga (**Parape-a 1:3; 22:7**). Uni gimin beberagiparang bonkamani somoirango Jisuni nama kattarangko Parape-a kitaponiko skiprakna nanga. Beben, ian, Uni dingtangmanchagipa **Parape-a 14:6-14** o janappiga sa-gre sakgittamni nama kattako man-gopaha. Jisu ia nama kattarangko pod 6 o “jrjingrotni nama katta” ine aganaha. Ua An-tangni manderangona re-bana skang sakanti mandeonan ra-angchinaba aganaha. Iano minggittam nangchongmotgipa chanchianirang donga:



- A. Darangba sa-gre sakgittamni nama kattako man-chapgijade “jringjrotni nama kattako” chong-mot ong-e skijaenga.
- B. Sa-gre sakgittamni nama kattarangko watchanggalede darangba an-tangni skianiko jringjrotni nama katta ine aganna man-ja.
- C. Sagare sakgittamni nama kattarang manderangko Jisuni gnigipa rebapilanina taria (**Parape-a 14:12-14**). Na-a knajaskalde, ma-sijaskalde, aro Jisuni minggittam bon-kamani salni nama kattako ra-chakjaskalde, Uni gnigipa re-bapilanina tarikujaenga.

Bon-kamani Somoina Dingtangmanchagipa Nama Kattarang

Je Jisuan an-chingni nanganiko u-igipa, minggittam dingtangmanchagipa nama kattarangko bon-kamani somoina an-chingna on-aha. Iani Poraiani Lesson ja-mano donggipa mingchetgipao ia nama kattarangni gimin talbatatgen.

5. Luk 1:17 o Elijani nama kattara, “dedrangna pagiparangni ka-tongko, aro toromigiparangni chanchirongana manigijagiparangko pil-atna” ine agana. Iara maiko miksonga?

Aganchakani: “Indiba toromigipa bebera-achi tanggen” (**Romrangna 1:17**). Toromigiparang an-tangtangni janggi jokanina Jokatgipao bebera-achi pangchakna u-iani donga. “Aro sakgipino pilakoba jokani gri; maina salgini ning-o manderango on-a gipin bimung gri, jechi an-ching jokna nanga” (**Watatarang 4:12**). Johanni Elijani nama kattako agananiara sakantina rongtale aganani ong-na nangachim. Jisu Kristoo ong-gija jeoba bebera-aniko rikaniara paponiko mamungdakeba jokatjawa aro janggi tanganiko dingtangatna man-jawa. Manderang iako knana aro u-ie ra-na gita nanggen. Ia bebe ong-anisa da-alo an-chingna on-gipa Isolni minggittam Elijani nama kattani mongsonggipa pangchakani ong-a.

Nang.ni agananiko ba sing.anirangko iano sebo



15



16



17



18




19



20



21



22



23



24



25



26



27

Ia Poraianiko Dakdilani lesson 27ni lesson sa ong-a.

Poraianiko Dakdilani lessonprakon aiao inmangipa chong-mot ong-anirangchi gapataniko man-aha jean nang-na aro nangni nokdangna namgni ong-gen. Mingsakoba watchanggalnabel!

Poraiani 15: Antichrist Sawa?

Poraiani 16: Kosakoni watatgipa Sa-greni Nama Kattarang

Poraiani 17: Isol Miksonganirangko Tarisoaha

Poraiani 18: Tik Dongimin Somoio!

Poraiani 19: Bon-kamgipa Bichal Ka-ani

Poraiani 20: Matburungni Chin

Poraiani 21: Sastroo USA ko Katchinike Agansoani

Poraiani 22: "Sakgipin" Me-chik

Poraiani 23: Kristoni Namchik

Poraiani 24: Isolara Sima Nigiparangko Dilahama?

Poraiani 25: An-chingara Isolo Ka-dongchakama?

Poraiani 26: Dingtangatna Man-gipa Ka-saani

Poraiani 27: Re-bapilani Dongjawa

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(√)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. **Parape-a 14 ni sa-gre sakgittam (1)**
Chong-mot ong-a aro knana man-na ga-me inwatna nanga.
Isolni bon-kamgipa salna bil gnange aro ta-rake nama kattako ra-anganiko mesoka.
Sanibani chanchichipe banaipa kattarangsa ong-aia
2. **Ka-mao Parape-ani gimin badia skianirang bebeko agangipa ong-a? (3)**
Ki-tap mohor su-ako manaha.
Uni bimung “oprakani: ba “parape-ani” ong-a.
lan maidakgipa nama kattako Isolni manderang bon-kamgipa salrango skiprakgen uko agana.
lan Jisuni gimin agangipa kattani noksa ong-a.
lako poraigiparangni kosako Isol sao on-a.
3. **Sa-gre sakgittamni nama katta Jisuni re-bana skang pilak mandeonan sokangna nanggen. (1)**
Ong-a Ong-ja
4. **Skanggipa sa-greni nama katta iarangni gimin dingtangmancha agananiko daka: (3)**
lan da-o aganenggipa jringjrotni nama katta ong-a.
lani gimin u-ina man-ja.
A-gilsakara maiobanisa ong-bara ine skianian Kristianni skiani ong-a.
Bichal ka-anide daon ong-engaha.
An-ching Isolko mandera-na aro chong-mot ong-e pangchakna nanga.
Sakantian jeko namnika ba jekoba olakkina nanga.
5. **Gnigipa sagreni nama kattara Babylonni ga-akani gimin agana, aro Parape-a 18 ni sa-gre Babylonno donggipa Isolni manderangko ong-katbachina didianiko daka. (1)**
Ong-a Ong-ja.
6. **Gitamgipa sa-greni nama katta pilak Isolni manderangko matburungni chinko ra-china didianiko daka. (1)**
Ong-a Ong-ja
7. **Parape-a 14:12 o maidake Isolni manderangni gimin aganaha? (2)**
Uamangara chakchikgipa ong-a.
Uamangara toromigiparang ong-a.
Uamang Gee-ta Niam Mingchikkungo bebero-gijagiparang ong-a.
Uamango on-titisan bebero-ani donga.
8. **Nama katta sakanti mandeona sokon mai ta-raken ong-skagnok? (1)**
Jatrang pilakan gisik pilgen.
Isol New York aro Jerusalem songjimarangko rikpiltaien.
Jisuni gnigipa re-bapilani ong-gen.
9. **Kamao on-sogipa badiarang da-asalna “nama katta” ong-a? (1)**
Ninevehna agangipa Jonani nama katta.
Chi dubina skang Noani nama katta.
Parape-a 14:6-14 ni sa-gre sakgittamni nama katta.
10. **Badia skianirang sa-gre sakgittamni nama kattani gimin bebe ong-a. (6)**
Sa-gre sakgittamni nama kattako da-on aganengaha.
la nama kattarang Jisuchisan janggi joka ine talataniko daka.
Uarangko “Elijani nama katta”ine agana man-a.
Uarangko aganna Elija an-tangan mikkang pa-gen.
Uarang a-gilsakara maiobanisa ong-bara ine Kristian skiani gamchatani gimin aganbata.
Bang-a manderang uarangko mamungdakeba knachakjawa.

Uarang nokdangni manderangko damsano, ka-sagrike nangrime dongna dakchakgen. Kosakni bilrang uarang baksa re-chapbagen. Uarang manderangko Jisuni gnigipa re-bapilanina tarina dakchakgen.

11. Johan Napbolatgipako uni salo Elija ine mingachim maina (1)

Ua salgioni waalko watatchina okamna namnikaha
Dal-gipa kamalko ua bimungchi mingaha.
Uni skiprakaniara, Jisuni skanggipa re-baanina tarina Elijani gisik aro bil ngangani gita ong-aha.

12. "Nama Katta" ingipara namgipa kobor ine mingsonga. (1)

Ong-a Ong-ja.

13. Jisu bon-kamani salrangno nokdangni memberrangko ka-saanio aro ku-cholsan ong-aniona ra-banna ku-rachakaha. Na-ara iako man-na nang-ni nokdango bi-engama?

Ong-a Ong-ja.

14. Bon-kamani somoio jolgimikon Jisuo An-tangni manderangko re-dilna dingtangmanchagipa nama katta donganina na-ara gisiko ritchengataniko man-ama aro uni mitelna skama?

Ong-a Ong-ja.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :		State :		Country :
Pin :		Bilsil :		Misi :

Nang.ni contact info-ko tik dake on.bo